

Na osnovu člana 32. Zakona o javnim nabavkama („Službeni glasnik BiH“, broj:39/14), a nakon provedenog otvorenog postupka, te na osnovu Odluke o izboru najpovoljnijeg ponuđača, broj: 11/07-11-516-4/20 od 31.01.2020. godine kojom se prihvata ponuda ponuđača „CENTROTRANS-EUROLINES“ d.d. Sarajevo kao najpovoljnija, zaključuje se:

**OKVIRNI SPORAZUM O NABAVCI USLUGA PREVOZA UČENIKA ŠESTIH
RAZREDA OSNOVNIH ŠKOLA SA PODRUČJA KANTONA SARAJEVO ZA
POTREBE REALIZACIJE „ŠKOLA SKIJANJA“**

Zaključen dana,05.02.2020. godine u Sarajevu između:

1. Ministarstvo za obrazovanje, nauku i mlade Kantona Sarajevo, ul. Reisa Džemaludina Čauševića br. 1, ID broj: 4200666870003 koga zastupa i predstavlja ministrica mr. Zineta Bogunić (u daljem tekstu: Ugovorni organ) i
2. CENTROTRANS-EUROLINES d.d., ulica Kurta Schorka broj 14, IDB 4200153220003 kojeg zastupa direktor mr.sc. Safudin Čengić (u daljem tekstu: Pružalac usluge).

UVOD

Okvirni sporazum se zaključuje na osnovu Odluke o izboru najpovoljnijeg ponuđača broj: 11/07-11-516-4/20 od 31.01.2020. godine, kojom je odabran najpovoljniji ponuđač u provedenom postupku javne nabavke.

I - PREDMET OKVIRNOG SPORAZUMA

Član 1.

Predmet ovog Okvirnog sporazuma je pružanje usluge – Prevoz učenika šestih razreda osnovnih škola sa područja Kantona Sarajevo za potrebe realizacije „Škola skijanja“, a u svemu prema prihvaćenoj Ponudi Pružaoca usluge broj: 1/267/20 od 29.01.2020. godine, koja čini sastavni dio ovog Okvirnog sporazuma.

Ovim Okvirnim sporazumom ugovorne strane su saglasne da mogu tokom cijelog ugovornog perioda zaključivati ugovore iz oblasti za koje je proveden otvoreni postupak javne nabavke.

Član 2.

Ugovorni organ naručuje predmetnu uslugu, a Pružalac usluge prihvata da vrši uslugu, na osnovu provedenog otvorenog postupka javne nabavke i Odluke Ugovornog organa o izboru najpovoljnijeg ponuđača.

Član 3.

Ugovorni organ i Pružalac usluge su saglasni da Okvirni sporazum realizuju prema već definisanim uslovima u Obavještenju o javnoj nabavci putem otvorenog postupka i prema tenderskoj dokumentaciji za ugovor o pružanju usluga i to:

- Ugovorni organ prema zahtjevima u Obavještenju i Tenderskoj dokumentaciji
- Pružalac usluge prema dostavljenoj ponudi i dokumentaciji sa preciziranim ponuđenim uslovima u prijavi na otvoreni poziv.

Član 4.

Ugovorni organ je dužan prilikom potpisivanja Okvirnog sporazuma imenovati osobu koja je zadužena za kontaktiranje sa predstavnicima Pružaoca usluge, odnosno potpisivanje eventualnih zapisnika.

Ispred Ministarstva za obrazovanje, nauku i mlade Kantona Sarajevo imenuje se Lejla Abazović za kontaktiranje sa predstavnicima Pružaoca usluge.

II – UGOVOR, CIJENA I NAČIN PLAĆANJA

Član 5.

Na osnovu Okvirnog sporazuma ugovorne strane će zaključiti pojedinačne ugovore sa rokom važnosti ukupno do važnosti Okvirnog sporazuma, zavisno od interesa ugovornih strana, a pod uslovima utvrđenim u Obavještenju o javnoj nabavci i tenderskom dokumentacijom.

Za svaki pojedinačni ugovor Pružalac usluge je dužan dostaviti garanciju za uredno izvršenje ugovora.

Član 6.

U obim usluga iz člana 1. Ovog Okvirnog sporazuma podrazumjevaju se usluge po prihvaćenim cijenama (Prema specifikaciji iz Obrasca za cijenu ponude i prihvaćenoj ponudi).

Ugovorni organ zadržava pravo potpuno ili djelimične realizacije nabavke predmetnih usluga. Ovaj Okvirni sporazum ne predstavlja obavezu ugovornom organu. Obaveza nastaje tek kada se zaključi pojedinačni ugovor o pružanju usluga nabavke prevoza u skladu sa uslovima iz Tenderske dokumentacije Ugovornog organa, te shodno potrebama Ugovornog organa.

Ukupna vrijednost Okvirnog sporazuma iznosi **100.000,00 KM bez PDV-a, odnosno 117.000,00 KM sa PDV-om.**

Član 7.

Pružalac usluge se obavezuje:

- da će učenike sigurno, udobno i u tačno dogovoreno vrijeme prevesti iz polaznog do odredišnog mjesta po određenim terminima,
- da će odgovarati za zakašnjenja u prevozu, prekid ili neizvršenje prevoza.
- da će u toku obavljanja ugovorenih obaveza mora da ima polisu osiguranja putnika;

- ukoliko u toku obavljanja ugovorenih obaveza dođe do kvara autobusa prilikom prijevoza djece, Pružalac usluge se obavezuje u najkraćem mogućem roku poslati zamjenski autobus koji će djecu prevesti do odredišta. Ukoliko dođe do promjene vozila za koje je Pružalac usluge dostavio podatke u ponudi, isti je dužan dostaviti Ugovornom organu podatke o novom vozilu koje angažira, sve dokaze tražene dokumentacijom za javnu nabavku;
- ako kod Pružaoca usluge, u toku obavljanja ugovorenih obaveza dođe do potrebe zamjene vozača za koje je dostavio podatke u ponudi tj. potrebe angažovanja drugog vozača autobusa za prijevoz djece, isti je dužan angažovati vozača za kojeg posjeduje sve dokaze tražene dokumentacijom za javnu nabavku.
- ukoliko se tokom važenja ugovora ukaže potreba za promjenom vremena polaska o istom će obavjestiti prijevoznik te se prijevoznik obavezuje prilagoditi novom polasku u skladu sa ugovorenim brojem dovoza i odvoza po pojedinim relacijama.

Pružalac usluge se obavezuje da usluge fakturiše u ugovorenim rokovima, na osnovu relevantnih dokumenata potvrđenih od strane Ugovornog organa da je usluga izvršena.

Pružalac usluge je dužan uslugu pružati sukcesivno Ugovornom organu na osnovu dobivene narudžbenice, odnosno zaključenog ugovora i to po potpuno pruženoj usluzi iz narudžbenice ili ugovora.

Pružalac usluge se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.

Ugovorni organ će plaćati fakture za izvršene usluge u roku od 30 dana od njenog dostavljanja na transakcijski račun Pružaoca usluge usluga broj 3383202251241969 otvoren kod Unicredit Bank.

Pružalac usluge je saglasan da Ugovornom organu neće zaračunavati zatezne kamate za zakašnjenje pri plaćanju preko „Trezora“, ako je Ugovorni organ u ugovorenom roku predao nalog za plaćanje, a Pružalac usluge primio uplatu sa odgodom od jednog ili više dana od ugovorenog roka iz stava 5. ovog člana.

III – ROK, MJESTO I NAČIN PRUŽANJA USLUGA

Član 8.

Pružalac usluge se obavezuje da će pružati uslugu Ugovornom organu u skladu sa potrebama i narudžbama iskazanim u pismenom obliku, i to u roku od 5 dana od dana prijema pismene narudžbenice.

Pružalac usluge se obavezuje pružiti uslugu Ugovornom organu, propisanog kvaliteta, u traženim relacijama i u dogovoreno vrijeme.

Član 9.

Pružalac usluge se obavezuje da će pružanje usluge koja je predmet ovog Okvirnog sporazuma izvršiti u skladu sa zahtjevom Ugovornog organa i da će odmah postupiti po

eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravku propusta Pružaoca usluge u smislu izvršene usluge.

Član 10.

Ovaj Okvirni sporazum se zaključuje do 31.12.2020. godine, a važi od dana zaključenja ugovora.

U slučaju eventualnih primjedbi Ugovornog organa na kvalitet usluga, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.

Odredbe ovog Okvirnog sporazuma ne mogu se mijenjati nakon njegovog zaključenja.

IV – UGOVORNE KAZNE I NAKNADA ŠTETE

Član 11.

Pružalac usluge će Ugovornom organu platiti penale po dnevnoj stopi od 1% za svaki dan zakašnjenja dovršetka usluge u odnosu na utvrđeni rok. Ukupni iznos penala ne može prekoračiti iznos od 10% od ukupne ugovorene usluge. Ugovorni organ može odbiti penale od isplate koje duguje Pružaocu usluge. Plaćanje penala ne utiče na ostale obaveze Pružaoca usluge.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti.

Ukoliko Pružalac usluge na bilo koji način neuredno ispunjava svoje ugovorene obaveze, a naročito u pogledu kvaliteta i utvrđenih rokova, Ugovorni organ ima pravo raskida Okvirnog sporazuma i pravo da o trošku Pružaoca usluge ustupi posao drugom Pružaocu usluge sa pravom naknade troškova uvođenja novog Pružaoca usluge kao i pravo na naknadu mogućeg nastanka štete zbog neispunjenja ugovorene obaveze.

V – ZAVRŠNE ODREDBE

Član 12.

Ugovorne strane su saglasne da će eventualne sporove proizašle iz ovog Ugovora nastojati rješavati dogovorno u duhu dobrih poslovnih običaja, sporazumno, u pisanoj formi.

U slučaju da se spor ne može riješiti sporazumno, ugovorne strane će spor rješavati kod nadležnog suda.

Član 13.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 dana iz svih razloga propisanih Zakonom o obligacionim odnosima.

Član 14.

Ovaj Okvirni sporazum stupa na snagu danom potpisivanja obje ugovorne strane.

Član 15.

Ovaj Okvirni sporazum je sastavljen u 4 istovjetna primjerka, po 2 za svaku ugovornu stranu.

PRUŽALAC USLUGE

DIREKTOR: Sarajevo

mr.sc. Safudin Cengić

Broj: 11965/20

Datum: 12.02.2020



NARUČILAC USLUGA

MINISTRICA

mr. Zineta Bogumić

Broj: 11/07-11-516-6/20

Datum: 05.02.2020.

